



Фидойинг бўлг аймиз сени, Ўзбекистон!

ЎЗБЕКИСТОН ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЙИГИРМА ОЛТИ ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, азиз ватандошлар! Мухтарам меҳмонлар! Хонимлар ва жаноблар! Авваламбор, мана шундай қутлуг кунда сиз, азизларни ва бутун халқимизни энг улуг ва энг азиз байрамимиз — Мустақиллик куни билан чин қалбимдан самимий табриклаб, ўзимнинг энг эзгу тилақларимни билдиришга рухсат бергайсиз.

Бундан роппа-роса йигирма олти йил муқаддам Биринчи Президентимиз, атоқли давлат ва сиёсат арбоби Ислому Абдуғаниевич Каримов Ўзбекистон Республикасининг давлат мустақиллигини эълон қилди.

Шу кундан эътиборан жаҳон харитасида янги мустақил ва суверен давлат — Ўзбекистон Республикаси пайдо бўлди. Жонажон Ватанимизнинг кўп минг йиллик тарихида янги давр — эркинлик ва озодлик, миллий тикланиш ва тараққиёт даври бошланди.

Биз бугун халқимизнинг хоҳиш-иродаси билан танлаб олган, истиқлол йилларида босиб ўтган оғир ва машаққатли, шу билан бирга, гоёт шарафли йўлимизни сарҳисоб қилар эканмиз, тарихан қисқа бир даврда ўз тақдиримизни ўзимиз ҳал этиш, жаҳон ҳамжамиятида муносиб ўрин эгаллаш, миллий давлатчилигимизни, азалий қадрият ва урф-одатларимизни, муқаддас динимизни тиклаш, инсон ҳуқуқ ва эркинликларини таъминлаш борасида улкан ютуқ ва марраларни қўлга киритганимизни фахр билан тилга оламиз.

Албатта, ушбу ютуқларнинг қўлга киритилишида Биринчи Президентимиз Ислому Абдуғаниевич Каримовнинг тарихий хизматлари беқиёс бўлганини бугун барчамиз, бутун халқимиз тақдирини эсга олишимиз табиийдир.

Бугун азим пойтахтимиз Тошкент шаҳрида, Оқсарой қароргоҳи олдида Ислому Абдуғаниевичнинг ҳайкалини очдик. 2 сентябрь куни эса Ислому ака туғилиб вояга етган Самарқанд шаҳрида у кишининг ҳайкали очилди.

Насиб этса, 2018 йил 30 январда — у киши туғилган кунга 80 йил тўладиган санада Қарши шаҳрида Биринчи Президентимизга ҳайкал ўрнатиш, Самарқанд шаҳрида ёдгорлик мажмуаси барпо этиш ишларини тўла якунига етказиб, уларнинг ҳам тантанали очилиш маросимларини ўтказамиз.

Бугун барчамиз бир фикрда яқдилмиз: Биринчи Президентимизнинг Ватан ва давлат олдидаги буюк тарихий хизматлари, сўнмас хотираси халқимиз қалбида абадий яшайди.

Хурматли ватандошлар! Юртимизда тинчлик ва осойишталикни, халқимизнинг муносиб ҳаёт кечиришини таъминлаш борасида бугун олдимизда янада муҳим ва долзарб вазифалар турганини биз ҳар томонлама чуқур англаймиз.

Жаҳон микёсида рақобат тобора кучайиб бораётган бугунги кескин бир давр барчамиздан янгича ишлаш ва фикрлашни, юқори даражада сафарбарликни талаб этмоқда.

Олдимизда турган ана шу улкан вазифалардан келиб чиқиб, мамлакатимиз тараққиётини янги босқичга кўтариш мақсадида 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини қабул қилдик.

► Давоми 2-бетда.

МУСТАҚИЛ МАМЛАКАТИМИЗНИНГ БУЮК БАЙРАМИ

«Ўзбекистон» халқаро анжуманлар саройида Ватанимиз мустақиллигининг 26 йиллигига бағишланган байрам тантанаси бўлиб ўтди



САМИМИЙ ҚУТЛОВЛАР

Мамлакатимиз мустақиллигининг 26 йиллиги муносабати билан Ўзбекистон Республикаси Президенти Шавкат Мирзиёев номига хорижий давлатлар ва ҳукуматлар, нуфузли халқаро ташкилотлар раҳбарларидан самимий қутловлар келмоқда. Уларда давлатимиз раҳбарига бахт-саодат, омонлик ва муваффақиятлар, Ўзбекистон халқига тинчлик-осойишталик, раванг ҳамда фаровонлик тилаб, чин дилдан эзгу истаклар изҳор этилган.

Ўзбекистон Республикаси Президенти Шавкат Мирзиёев Жаноби Олийларига
Жаноби Олийлари!
Ўзбекистон Республикаси ҳукумати ва халқига Мустақиллик куни муносабати билан ўзимнинг самимий тилақларимни изҳор этиш менга катта мамнуният бағишлайди.

Биз буюк орзу-умидлар билан бирга, турли талотўплар даврида яшаймиз. Мен бу йилни бутун жаҳонда тинчликни таъминлашга даъват билан бошладим. Инсоният интилаётган барча неъматлар — кадр-қиммат, одил судлов, тараққиёт ва фаровонлик бевосита тинчлик билан боғлиқ. Бу қадриятлар БМТ Низомида мустаҳкамлаб қўйилган ва бизни бирлаштириб туради.

Сизнинг байрам қувончингизга шерик бўлар эканман, БМТнинг кўп миллатли ташкилот экани бутун жаҳонда бир-бирдан узоқлашши ҳодисаси кузатилаётган бир пайтда умумий саъй-ҳаракатларимизни мустаҳкамлашга хизмат қилаётгани, умуман, инсонийлигимизни белгилаб бераётганини таъкидламоқчиман.

Ушбу қутлуг кунда Сиз раҳбарлик қилаётган Ўзбекистон БМТни мустаҳкамлаш, барчага тинчлик, тараққиёт ва инсон ҳуқуқларини таъминлаш йўлидаги умумий саъй-ҳаракатларимизни янада фаоллаштиришга муносиб ҳисса қўшишига ишонаман.

Жаноби Олийлари, Сизга бўлган юксак ҳурматимни қабул қилгайсиз.

Антониу ГУТЕРРИШ, БМТ Бош котиби

Ўзбекистон Республикаси Президенти Шавкат Мирзиёев Жаноби Олийларига
Мухтарам Президент Жаноблари!
Сизни ва Ўзбекистон халқини ўзим ва ватандошларим номидан Ўзбекистон Республикасининг Мустақиллик куни муносабати билан самимий муборакбод этаман.

Жорий йилда биз Ўзбекистон ва Германия ўртасида дипломатик муносабатлар ўрнатилганининг 25 йиллигини нишонламоқдамиз. Ўтган чорак асрда биз сиёсат, иқтисодиёт, ҳавфсизлик, маданият соҳаларида, шунингдек, халқаро ташкилотлар доирасидаги кўп томонлама ҳамкорлигимизни ривожлантиришга эришдик. Ишонаманки, бундан буён ҳам ҳамкорлигимиз янада мустаҳкамлаймиз.

Германия Ўзбекистонда давлат бошқаруви, адлия соҳаси, иқтисодиёт ва жамиятни ривожлантириш борасидаги муҳим ислохотларни амалга оширишда кўмаклашишга тайёр. Шунингдек, Сизни ишонтириб айтаманки, Германия Ўзбекистоннинг минтақадаги давлатлар билан яхши қўшничилик муносабатларини янада мустаҳкамлаш борасидаги ташаббусларини қўллаб-қувватлайди.

Сиз ва оилангизга сийхат-саломатлик ва фаровонлик, Ўзбекистон халқига тинчлик-осойишталик ва тараққиёт тилайман.

Франк-Вальтер ШТАЙНМАЙЕР, Германия Федератив Республикаси Президенти

► Давоми 2-бетда.

ЎЗБЕКИСТОН ПРЕЗИДЕНТИ ШАВКАТ МИРЗИЁЕВНИНГ ТОШКЕНТ ШАҲРИДА ЎЗБЕКИСТОН РЕСПУБЛИКАСИНИНГ БИРИНЧИ ПРЕЗИДЕНТИ ИСЛОМУ КАРИМОВ ҲАЙКАЛИНИНГ ОЧИЛИШИГА БАҒИШЛАНГАН ТАНТАНАЛИ МАРОСИМДАГИ СЎЗИ

Қадри ватандошлар! Хурматли Татьяна Акбаровна! Азиз меҳмонлар! Бугун сизлар билан азим Тошкентнинг табаррук маскани — Оқсарой қароргоҳи олдида муҳим тарихий воқеа муносабати билан тўпланиб турибмиз.

Буюк давлат ва сиёсат арбоби, мустақил давлатимиз асосчиси, Ўзбекистоннинг Биринчи Президенти мухтарам Ислому Абдуғаниевич хотирасига бағишлаб бунёд этилган ҳайкалнинг очилиш маросимида иштирок этмоқдамиз.

Ислому Абдуғаниевич бутун умрини жонажон Ўзбекистонимиз учун, унинг озодлиги ва буюк келажаги учун бағишлади.

Ислому ака тарихимизнинг энг мураккаб ва оғир даврида — миллатлараро зиддиятлар авж олган, иқтисодиёт чуқур инкирозга учраб, республикамиз жар ёқасига келиб қолган кескин ва таҳликали бир шароитда мамлакатга раҳбарлик қилиш масъулиятини ўз зиммасига олди.

Ватанимиз тарихида янги давр бошланган кун — 1991 йил 31 августда Ислому Абдуғаниевич Ўзбекистон мустақиллигини эълон қилди ва чорак аср давоминда давлатимизни изчиллик ва собитқадамлик билан бошқарди.

Биринчи Президентимиз раҳбарлиги остида тарихан қисқа даврда юртимизда кенг қўламли таркибий ислохотлар амалга оширилди. Юқори технологияларга асосланган янги сановат тармоқлари барпо этилди ва ривожлантирилди. Замонавий йўл-транспорт ва муҳандислик-коммуникация инфратузилмалари бунёд этилди. Қишлоқ ҳужалигида чуқур ислохотлар амалга оширилди.

Ислому Абдуғаниевич бошчилигида Ватанимиз мустақиллиги ва сарҳадларимиз дахлсизлигини, халқимизнинг тинч ва осойишта ҳаётини ишончли ҳимоя қилишга қодир бўлган замонавий миллий армия барпо этилди.

Буюк Юртбошимизнинг ташаббуси билан мамлакатимизда маънавий қадриятларимизни тиклаш, муқаддас динимиз, урф-одатларимиз, бебаҳо тарихий меросимизни асраб-авайлаш ва ривожлантириш давлат сиёсати даражасига кўтарилди.

Ислому Абдуғаниевич ўз ҳаёти ва фаолиятининг мазмуни бўлган «Биздан озод ва обод Ватан қолсин!» деган эзгу гоёни илгари сурдилар ва бу даъват барчамизнинг қалбимиздан чуқур жой олди.

У киши «Элим деб, юртим деб, ёниб яшаш керак» деган ўзининг гоёсига бир умр амал қилиб, келажақ авлодлар учун буюк ибрат мактабини яратдилар.

Ислому ака миллатнинг ҳақиқий етакчиси сифатида она халқини, гўзал ва бетакрор Ўзбекистонни жонидан ҳам ортиқ сева, унинг манфаатларини ҳимоя қилиш ва рўёбга чиқаришни ўз ҳаётининг бош мақсади, деб билар эдилар.

Ўз навбатида, халқимиз ҳам доимо эл-юрт ташвиши билан яшаган Биринчи Президентимизни чексиз меҳр билан сева ва ўзининг улуг раҳбари сифатида у киши билан ҳақи равишда фахрланар эди.

Хурматли ватандошлар! Биринчи Президентимизнинг хотирасини абадийлаштириш учун халқимиз, кенг жамоатчиликнинг хоҳиш-истаклари ва тақлифларини инобат олиб амалга ошираётган ишларимиз, ўйлайманки, барчангизга яхши маълум.

Тошкент шаҳридаги халқаро аэропорт, Тошкент давлат техника университети, Асака автомобиль заводи, Фарғона шаҳридаги Санъат саройи, пойтахтимиз ва ҳудудларимиздаги марказий кўчалар, Оқсарой қароргоҳида ўз фаолиятини бошлаган илмий-маърифий ёдгорлик мажмуаси, махсус хайрия жамоат фонди Ислому Абдуғаниевичнинг муборак номлари билан аталди.

2 сентябрь куни хайрли ишларимизнинг давоми сифатида Ислому Абдуғаниевич туғилиб вояга етган, мангу ором толган азим Самарқанд шаҳрида улуг Йўлбошимизнинг ҳайкали очилишига бағишланган маросим ўтказилди.

Шунингдек, Қарши шаҳрида ҳайкал ўрнатиш ва Самарқанд шаҳрида ёдгорлик мажмуасини барпо этиш бўйича бошлаган ишларимизни тўлиқ якунлаб, у кишининг туғилган кунига 80 йил тўладиган сана — 2018 йил 30 январда тантанали очилиш маросимини ўтказамиз.

► Давоми 2-бетда.

ТОШКЕНТДА ЎЗБЕКИСТОН РЕСПУБЛИКАСИНИНГ БИРИНЧИ ПРЕЗИДЕНТИ ИСЛОМУ КАРИМОВ ҲАЙКАЛИ ОЧИЛДИ

Бундан роппа-роса йигирма олти йил муқаддам Биринчи Президентимиз, буюк давлат ва сиёсат арбоби, ўзбек халқининг атоқли фарзанди Ислому Каримов Ўзбекистон Республикасининг давлат мустақиллигини эълон қилган эди.

Ўзбекистон халқи истиқлол йилларида эришилган барча оламшумул ютуқ ва марраларни мамлакатимизнинг Биринчи Президенти номи ва фаолияти билан боғлайди.

Ислому Каримов бугунги ва эртанги кунимизнинг ҳал қилувчи кучи бўлиб ёшларнинг онгу тафаккури ва дунёқарашини бутунлай ўзгартириб, ҳар томонлама баркамол авлодни вояга етказишнинг янги принципиал тизimini яратиб, уни ҳаётга жорий этишга бевосита раҳбарлик қилди.

...2017 йил. 31 август. Биринчи Президентимиз кўп йиллар давомида фаолият олиб борган Тошкент шаҳридаги Оқсарой қароргоҳи, унга туташ кўркем майдон ва хиёбон. Мусаффо осмон, маҳзун мусиқа садолари остида давлатимиз байроғи ҳилпирайди.

Бу ерга Ўзбекистон Республикаси Олий Мажлиси Сенати аъзолари, Қонунчилик палатаси депутатлари, ҳукумат аъзолари, Ўзбекистон Қаҳрамонлари, фан ва маданият, адабиёт ва санъат намояндалари, жамоат ташкилотлари, мамлакатимизда фаолият юритаётган хорижий давлатлар элчихоналари, халқаро

ташкилотлар ваколатхоналари раҳбарлари, талаба-ёшлар, юртимиздаги миллий маданият марказлари, Қорақалпоғистон Республикаси, вилоятлар ва Тошкент шаҳри вакиллари Ислому Каримов ҳайкали очилишига бағишланган тантанали маросимда иштирок этиш учун жам бўлган.

Маросимда Ўзбекистон Республикаси Президенти Шавкат Мирзиёев нутқ сўзлади.

Шавкат Мирзиёев ва Биринчи Президентимизнинг рафиқаси Татьяна Каримова Ислому Каримов ҳайкалини очди. Буюк Юртбошимиз ҳайкали пойига гулчамбар қўйди.

► Давоми 2-бетда.

ТИНЧЛИК ВА ФАРОВОНЛИК ЙЎЛИДА КУРАШГАНЛАР ХОТИРАСИГА ЭҲТИРОМ

Тинчлик, мустақиллик, тараққиёт. Бу улуг тушунчалар бир-бири билан мудом ёнма-ён. Зеро, айнан шу неъматлар эл-юрт фаровонлигини, унинг истиқболни ва ривожланиш босқичларини белгилаб беради.

Ўзбекистон эришган ва эришаётган бетимсол ютуқлар, улкан ислохотлар, янгиликлар, бунёдкорлик ишлари, халқимизнинг фаровон турмуши, осойишта ҳаётимиз, вояга етаётган баркамол авлод — мана шу улуг неъматларни инъом этган истиқлол учун қанчадан-қанча аждодларимиз курашган, шаҳид кетган. Бу йўлда жон фидо қилган боболаримизни Мустақиллик байрами кунларида яна бир бор эслаш, уларнинг муборак руҳларини шод этиш барчамизнинг инсоний бурчимиздир.

Биринчи Президентимиз Ислому Каримов ташаббуси билан пойтахтимизнинг Бўзсув соҳилида бунёд этилган «Шаҳидлар хотираси» ёдгорлик мажмуи халқимиз озодлиги йўлида қурбон бўлган, жонини фидо

қилган ватандошларимиз хотирасига кўрсатилган улкан эҳтиромнинг ёрқин ифодасидир. Бугун ушбу ёдгорлик мажмуидан зиёратчилар қадами узилмайди. Бу маскан нафақат шаҳидлар ёдини ифода этади, балки бугунги авлодни табаррук Ватанимизни, мустақилликни кўз қорачиқидек асраб-авайлашга ундайди.

...31 август. Эрта тонг. Қатагон қурбонлари хотирасига бағишлаб бунёд этилган рамзий қабр устидаги айвон гўмбазини куз қуёш нурлари жилваланади. Осуда отаётган тонгни кўриб қалбларда шукроналик, шу озод ва обод юрт тақдирига дахлдорлик туйғуси жўш уради.

Қатагон қурбонлари кунги муносабати билан мазкур хиёбонда халқимиз озодлиги ва юртимиз мустақиллиги йўлида қурбон бўлган марҳумларни ёд этиш маросими ўтказилди.

Маросимда Ўзбекистон Республикаси Президенти Шавкат Мирзиёев иштирок этди.

Анъанага кўра ош тортилди. Қурбон тиловат қилиниб, қатагон қурбонлари руҳига хурмат бажо келтирилди.


Президентимиз Ўзбекистон мусулмонлари идораси раҳбарияти, уламолар, маҳалла фаоллари ва зиёлилар билан суҳбатлашди.

Мана шундай нурафшон кунларни орзу қилган, шу йўлда жонини ҳам аямаган аждодларимиз хотирасини ёд этиш билан қалбимиз нурга тўлади, руҳимиз тетиклашди, деди давлатимиз раҳбари. Эзгулик аталмиш қудратли кучнинг абадийлигига, адолат тантанасига яна бир бор амин бўламиз. Истиқлол йилларида қўлга киритаётган ютуқларимиз, амалга ошираётган улкан ишларимиз билан фахрланамиз. Улар бир умр орзу қилган, бугунги авлодга насиб этган мустақиллик, эркин ва фаровон ҳаёт аҳамиятини янада теран англаймиз.

► Давоми 2-бетда.

МУСТАҚИЛ МАМЛАКАТИМИЗНИНГ БУЮК БАЙРАМИ

«Ўзбекистон» халқаро анжуманлар саройида Ватанимиз мустақиллигининг 26 йиллигига бағишланган байрам тантанаси бўлиб ўтди



Мустақиллик — ҳар бир халқ учун улуғ неъмат, буюк иноят.

Мустақиллик — ўзликни англаш, ўз ота маконининг эгаси бўлиш, ор-номусини баланд туттиш ҳуқуқидир.

Мустақиллик — жаҳонда тенглар ичра тенг бўлиш, ўз тақдирини ўзи белгилаш, эркин ва фаровон яшаш имкониятидир.

1991 йил 31 август мамлакатимиз ана шундай тарихий ютуққа эришган буюк сана. Мустақилликнинг кадр-қимматини чуқур англайдиган халқимиз бу кунни катта шоду хуррамлик билан байрам қилади. Бу йил ҳам шундай бўлди. Президентимизнинг 27 июндаги қарорига биноан Ўзбекистон Республикаси давлат мустақиллигининг йигирма олти йиллик байрамига катта тайёргарлик кўрилди. Жамиятимиздаги янгиланишларга мувофиқ байрам тадбирлари ҳам янгича шакл ва мазмун касб этди.

Асосий тантанали маросим 31 август кuni «Ўзбекистон» халқаро анжуманлар саройида бўлиб ўтди. Унда давлат ва жамоат ташкилотлари вакиллари, ҳукумат аъзолари, вазирлик ва идоралар ходимлари, турли соҳаларда фаолият юритаётган юртдошларимиз, дипломатик корпус ва халқаро ташкилотлар ваколатхоналари раҳбарлари иштирок этди.

Саройга Ўзбекистон Республикаси Президенти Шавкат Мирзиёев кириб келди. Давлатимиз раҳбари минбарга тақлиф этилди. Президентимиз мустақиллигимизнинг йигирма олти йиллиги билан халқимизни муборакбод этиб, нуқ сўзлади. Ўзбекистон Республикасининг давлат мадҳияси янгради.

Байрам аҳли кўлларини кўксига қўйиб, мустақиллик кўшиғига жўр бўлди. Оҳанг оғушида Ватан манзаралари, истиқлол тарихи тасаввурда гавдаланди. Ўтган асрнинг саксонинчи йиллари охири юртимиз учун ўта мураккаб давр бўлди. Халқимиз мустамлака тазйиқидан наинки эркин, балки миллий-лигини, тилини, динини, ўзлигини ҳам йўқотиш даражасига келиб қолганди.

Тарихимизнинг шундай таҳликали, туб бурилиш пайтида Ислom Каримов Ўзбекистонга раҳбар бўлди. Адолатсиз тузумга қарши мардонавор курашиб, халқимиз манфаатларини ҳимоя қилди. Хали собиқ тузум ҳукмирон пайтида биринчилардан бўлиб Ўзбекистонни мустақил давлат деб эълон қилди.

Ислom Каримов янги ўзбек давлатчилигига асос солди. Ҳалокат ёқасига келиб қолган юртимизни қайта тиклади. Биринчи Президентимиз томонидан ишлаб чиқилган иқтисодий дастурлар мамлакатимизнинг барқарор ривожланишини таъминлади. Оқилона ташқи сиёсат, тинчлик ва ҳамкорлик принципи туфайли мамлакатимиз жаҳон ҳамжамиятида муносиб ўрин эгаллади.

«Ислохот — ислохот учун эмас, аввало инсон учун» деган эзгу ғоя, ижтимоий

қайта ташкил этилди, янги ташкилотлар тузилди.

«Халқ давлат идораларига эмас, балки давлат идоралари халқимизга хизмат қилиши керак», деган тамойилга мувофиқ, халқ билан мулоқотнинг замонавий ва самарали тизими йўлга қўйилди. Ўзбекистон Республикаси Президентининг Виртуал қабулхонаси ва Халқ қабулхоналари, жойларда ўтказилаётган сайёр қабуллар инсон манфаатларини таъминлашга хизмат қилмоқда.

«Халқ бой бўлса, давлат ҳам бой ва қудратли бўлади», деган ғоя асосида аҳолига кенг имкониятлар бериш, унинг реал даромадларини кўпайтириш, тadbиркорликни янада ривожлантириш, иш ўринлари яратиш, экспорт ҳажмини оширишга алоҳида эътибор қаратилмоқда.

Қўшни давлатлар билан муносабатларимиз янада яхшиланди. Президентимизнинг илк давлат ташрифлари қўшни давлатларга бўлди. Ўзаро рақобат эмас, ҳамкорлик қилиш тамойили иқтисодий имкониятларни кенгайтирди, минтақавий хавфсизлик, миллатлараро тотувликни янада мустаҳкамлади.

Бу жиҳатлар байрам томошасида турли тилларда янграган кўшиқлар, миллий-этнографик гуруҳларнинг чиқишларида яққол намоён бўлди.

Ўзбекистонда меҳр-оқибат, ҳамжихатлик ва бағрикенглик олий қадрият даражасига кўтарилган. Жамиятимизда тинчлик-осойишталик қарор топган.

Тинчлик ва барқарорлик сабаб Ўзбекистонимизнинг жаҳон ҳамжамиятидаги обрў-эътибори тобора ортмоқда. Энг ривожланган давлатлар, дунёга донғи кетган банк ва компаниялар Ўзбекистон билан ҳамкорлик қилишга интиломоқда.

Байрам дастури ҳар қачонгидан бошқача бўлди. Кўй-қўшиқлар шеърлар билан уйғуналиб кетди. Болаларнинг чиқишлари барчага табассум улашди. Ҳарбийларимизнинг мардонавор овози дилларга кўнди. Жаҳон мумтоз мусикалари завқ бағишлади. Тантанали маросим санъаткорлар жўрлигиди «Ватан азиздир» кўшиғи билан ниҳоясига етди.

Байрам тадбирларида янграган кўй-қўшиқлар олис-олисларга таралмоқда. Мамлакатимизнинг барча шаҳар ва қишлоқларида байрам тантаналари, халқ сайиллари давом этмоқда.

Анвар САМАДОВ, ЎЗА мухбири

Эътироф



Оҳанг, куй-қўшиқ инсон қалбида энг нафис туйғуларни уйғотувчи, кишини руҳлантириб, эзгу ишларга бошловчи қудратли куч. Тил, миллат танламайдиган наволар ҳеч қандай таржимон, ҳеч бир воситасиз инсон юрагига кириб боради. Дилларни дилларга, элларни элларга боғлайди. Тинчликни, маданиятни, маънавиятни тарғиб этади, инсонийликни улуглайди.

МУСИҚА БАЙРАМИ ҚАЛБЛАРНИ ЗАБТ ЭТДИ

Самарқанд шаҳрида «Шарқ тароналари» XI халқаро мусиқа фестивали якунланди



Йигирма йилдирки, «Шарқ тароналари» халқаро мусиқа фестивали ана шундай эзгу мақсадларга хизмат қилиб келмоқда. Биринчи Президентимиз Ислom Каримов ташаббуси билан ташкил этилган мазкур санъат форуми ўтган давр мобайнида дунё халқлари миллий мусиқа маданияти аъналарини асраб-авайлаш ва тарғиб этиш, тили, дини, миллатидан қатъи назар, барча халқларни санъат орқали яқинлаштириш ва улар ўртасидаги дўстлик алоқаларини мустаҳкамлашга қаратилган билан ЮНЕСКО шафелигидега ўтказилаётган йирик мусиқа анжуманларидан бирига айланди.

Фестиваль «Шарқ тароналари» деб номланса-да, унда дунё тароналари янграмоқда. Бугунги кунга қадар мазкур фестивалда сайёрамизнинг барча қишлоқларидан 100 дан ортиқ давлат, кўплаб нуфузли халқаро ташкилотлар вакиллари иштирок этгани ҳам шундан далилат беради. Тадбирда қатнашиш истагида бўлганлар сафи йилдан-йилга кенгайиб бормоқда.

Бу йил жаҳоннинг 58 давлати санъат усталари «Шарқ тароналари»да ўз мусиқа ва кўшиқчилик аъналарини, маданиятини намойиш этди. Фестивалда бир неча нуфузли халқаро ташкилотлар раҳбарлари фахрий меҳмон сифатида қатнашди. Улар мазкур санъат байрамнинг турли миллат ва эллар ўртасидаги дўстлик алоқаларини мустаҳкамлаш, тинчлик ва бағрикенгликни тарғиб этишдаги роли ва аҳамиятини, Ўзбекистонда ушбу халқаро форумга ҳар сафар катта тайёргарлик кўрилиши ва тадбирларнинг юксак савияда ўтказилишини алоҳида таъкидлади.

— Самарқанд ўзининг бир неча минг йиллик ўтмиши давомида цивилизация, илм-фан, маданият маркази бўлгани тарихдан яхши маълум, — деди Ислom ҳамкорлик ташкилотининг Таълим, фан ва маданият масалалари бўйича тузилмаси — АЙСЕКСО Бош директори Абдулуз Усмон ал-Тувайжри. — Бу аъна бугун ҳам давом этмоқда. Мен дунёнинг турли давлатларидан келган олимлар фикрларини эшитиб, муқаддас қадимжолар, тарихий обидаларни зиёрат қилиб, шаҳар билан яқиндан танишиб, бу муқаддас заминга олдинроқ келмаганимга афсусландим. Самарқанд қалбимдан чуқур жой олди ва мен бу ерга яна албатта келаман.

Фестивалнинг тантанали очилиш маросимида Ўзбекистон Республикаси Президенти Шавкат Мирзиёевнинг иштирок этиши ва анжуман қатнашчилари ҳамда меҳмонларини табриклаши сайёрамизнинг турли ҳудудларидан келган хонанда ва созанда, мусиқашунос олимларни янада руҳлантириб юборди.

Давлатимиз раҳбари таъкидлаганидек, дунёда қарама-қаршилик ва зиддиятлар кучайиб бораётган бугунги ўта мураккаб замонда миллати, тили ва дини турлича бўлган миллионлаб одамларни ўзаро дўст қиладиган, улар ўртасида ҳамкорлик ва ҳамжихатликни янада мустаҳкамлайдиган мусиқа санъатининг ўрни ва таъсири тобора ортиб бормоқда. «Шарқ тароналари» мусиқа фестивали ҳам айнан шундай мақсадларга хизмат қилмоқда.

Халқаро форум қатнашчилари бу жиҳатларни фестивал доирасидаги тадбирларда яққол хис қилди. Регистон майдонидаги асосий сахнада, шунингдек, Самарқанд шаҳри, Оқдарё, Пастдаргом, Жомбой, Самарқанд туманларидаги истироҳат боғлари, мусиқа ва санъат мактабларида қарий бир ҳафта давомида дунё халқлари куй-қўшиқлари янгради. Миллий рақслар ижро этилди.

Юртимиз санъат усталари ва ёш ижрочилар билан ҳамкорликда уюштирилган концерт дастурларида ҳам халқлар ўртасидаги дўстлик, меҳр-оқибат, ҳамжихатлик, тинчлик таранум этилди. Меҳмонлар жойларда Ватанимиз мустақиллигининг 26 йиллиги муносабати билан «Фидойинг бўлганимиз сени, Ўзбекистон!» шиори остида ўтказилаётган байрам тадбирларида қатнашди.

Самарқанд шаҳридаги музейлар, хунармандлар марказлари ва меҳмонхоналарда фестивал тарихига оид суратлар, миллий хунармандлик махсулотлари ва чолғу асбоблари кўргазмалари намойиш этилди. Ҳар қарич ери муқаддас заминимиздаги тарихий обидалар, буюк алломаларимиз номи билан боғлиқ мажмуалар, таълим муассасалари, замонавий ишлаб чиқариш корхоналарига саёхатлар уюштирилди.

Анжуман доирасида ўтказилган «Шарқ халқлари мусиқа маданиятида миллий аъналарнинг шаклланиши ва ривожланиши» мавзусидаги халқаро илмий-назарий конференция санъатшунос олимларнинг йирик халқаро анжумани сифатида муҳим ва долзарб масалалар муҳокамасига бағишланди. Тадбирда 20 дан ортиқ мамлакатдан келган олим ва мутахассислар маърузалар қилди, тақдиротлар ўтказди.

30 август кuni Регистон майдонидаги амфитеатрда фестивал иштирокчилари ва меҳмонлар, юртимиз маданият ва санъат намояндalари, жамоатчилик вакиллари халқаро мусиқа анжуманининг тантанали ёпилиш маросимига жам бўлди.

Фестиваль қатнашчилари ва ҳакамлар ҳайъати тадбирларнинг юқори савияда ташкил этилгани, юксак ҳурмат-эҳтиром ва самимий меҳмондўстлик учун мамлакатимиз раҳбариятига, халқимизга миннатдорлик изҳор қилди. Президентимиз Шавкат Мирзиёевнинг фестивал иштирокчиларига йўлаган табрик сўзида билдирилган истаклар, фикрлар анжуман доирасидаги барча тадбирларда ўз ифодасини топгани, иштирокчиларни руҳлантиргани таъкидланди.

25-30 август кунлари дунё санъат аҳлининг бош саҳнасига айланган Регистондаги амфитеатрда «Шарқ тароналари» XI халқаро мусиқа фестивали голиб ва совриндорларни тақдирлаш маросими бўлиб ўтди.

Дастлаб, фаол жамоалар қатор номинациялар бўйича тақдирланди. ЮНЕСКО, Ўзбекистон Республикаси Маданият вазирлиги, «Шарқ тароналари» халқаро мусиқа фестивали дирекцияси, Самарқанд вилояти ва шаҳар ҳокимлиги ҳамда бошқа ташкилотларнинг махсус мукофотлари топширилди.

Саҳнага Эрон, Индонезия ва Туркиядан келган жамоалар тақлиф этилди. Уларга фестивалнинг учинчи даражали дипломлари топширилди.

Иккинчи ўринга Қирғизистон ва Литвадан келган санъаткорлар сазовор бўлди.

Жанубий Кореянинг Геосон халқ кўшиқларини сақлаш фонди жамоаси ҳамда мамлакатимиз вакили Моҳиҳеб Шомуродова биринчи ўринга муносиб, деб топилди. Ниҳоят, ҳаяжонли лаҳзалар. Ҳакамлар ҳайъати хулосасига кўра, «Шарқ тароналари» XI халқаро мусиқа фестивалининг бош соврини — Гран-при Озарбайжон вакилига берилгани маълум қилинди.

— Дунё эътирофидега ушбу фестивалда иштирок этишининг ўзи биз учун катта шараф бўлганини таъкидламоқчиман, — дейди Гран-при соҳиби, Озарбайжон Республикасида хизмат кўрсатган артист Соҳиб Пошшозода — «Шарқ тароналари» бош совринини кўлга киритишим эса тарихий воқеа бўлди. Ҳозир қалбимда кечайтган ҳаяжон, фахр-ифтихорини сўз билан ифодалаш қийин. Фурсатдан фойдаланиб, ушбу фестивални ташкил этган Ўзбекистон раҳбариятига, бизга жуда катта ҳурмат кўрсатган санъатсевар ўзбек халқига миннатдорлик изҳор этаман.

Маросимда юртимиз санъат усталари ва ёш ижрочилар томонидан концерт дастури ҳамда «Ўзбекистон маданий мероси — умумбашарий бойлик» деб номланган 3D проекция-мусиқага ёритиш томошаси намойиш этилди.

Бекзод ХИДОЯТОВ, Голиб ҲАСАНОВ, ЎЗА махсус мухбирлари.

Электрот манфаати

Ўзбекистон ХДП Марказий Кенгаши ҳамда Олий Мажлис Қонунчилик палатасидаги партия фракцияси аъзоларидан иборат ишчи гуруҳнинг навбатдаги ййгилиши бўлиб ўтди. Унда ногиронларни давлат томонидан қўллаб-қувватлаш тизимини янада такомиллаштириш масалалари юзасидан тайёрланаётган тақлифлар муҳокама этилди.

Давра суҳбатида Ногиронлар жамияти вакиллари ҳам фаол иштирок этди.

Электрот вакиллари билан мулоқотни янада кенгайтириш, ногиронларнинг ижтимоий ҳимоясини кучайтириш масалаларида кўплаб фикр-мулоҳазалар билдирилди. Хусусан, аҳоли пунктларини лойиҳалаш ва қуришда ногиронлар ҳуқуқларини ҳисобга олиш, тиббий-ижтимоий хизмат, таълим соҳасидаги камчиликларни бартараф этиш долзарб аҳамият касб этиши таъкидланди.

— Ишчи гуруҳ аъзолари жойларда ногиронлар билан қатор учрашув ва мулоқотлар ўтказди, — деди Олий Мажлис Қонунчилик палатасидаги ЎзХДП фракцияси аъзоси Шухрат Турсунбоев. — Бу жараёнда жисмоний имконияти чекланган фуқаролар билдирган фикрлар асосида Ногиронлар жамияти ҳамда улар билан ишловчи нодавлат ташкилотлар ҳамкорлигида 73 банддан иборат тақлифлар шакллантирилди. Мазсуллар бириктирилган ҳолда ҳар бир масала чуқур ўрганилмоқда. Тақлиф бериш билан чекланиб қолмаймиз, албатта. Келгусида фракциямиз Ногиронлар жамияти билан ҳамкорликни янада мустаҳкамлайди. Бу электрот манфаатларини ҳимоя қилиш, Сайловолди дастурида белгиланган устувор йўналишларни амалга оширишга хизмат қилади.

Тайёрланган ҳар бир тақлифнинг ҳуқуқий асослари кўриб чиқилди.

Олий Мажлис Қонунчилик палатасидаги ЎзХДП фракцияси аъзолари Бунёд Эшонқулов, Кахрамон Мирзаев, Феруза Эшметова, Шухрат Мамажонов айрим

НОГИРОНЛАР ҲУҚУҚЛАРИ ҲИМОЯСИ



тақлифларни мукамаллаштириш кераклигини таъкидлади. Масалан, ногиронларни кенг қамровли реабилитация ва интеграция қилиш бўйича стратегия ишлаб чиқиш, тўсиксиз муомил яратиш юзасидан давлат дастури қабул қилиниши билан боғлиқ масалаларга янада ойдинлик киритиш лозимлиги қайд этилди. Ногиронлар ҳуқуқлари тўғрисида қонун қабул қилинишининг аҳамияти ҳусусида сўз юритилди.

Ногиронлар жамияти раиси Комил Абдуллаев, раис ўринбосари Ойбек Исоқов, Ногиронлар жамияти Тошкент вилояти раёсати раиси Соҳиб Усмонов тақлифларнинг ногиронлар ҳаётидаги аҳамияти ҳақида батафсил маълумот беришди.

Зилола УБАЙДУЛЛАЕВА, «Ўзбекистон овози» мухбири.

Бугун «Шарқ тароналари» фақат мусиқа байрамигина эмас, балки дунё халқларининг дўстлик байрамига айланган.



AGROBANK
жамоаси

юртдошларимизни энг улуг, энг азиз айём

МУСТАҚИЛЛИГИМИЗНИНГ
26 ЙИЛЛИГИ БИЛАН
МУБОРАКБОД ЭТАДИ!

«Агробанк» ўз миқозларига қуйидаги
хизматларни таклиф қилади:

«СПК жамгарма» ва «СПК мuddатли» номли пластик
картада жамгариладиган омонат турлари орқали сиз ўз
маблагларингизни кўпайтириб боришингиз мумкин.

Ушбу омонат турлари ва бошқа банк хизматлари ҳақидаги
қўшимча маълумотларни agrobank.uz сайтидан ёки
банкнинг жойлардаги филиалларидан оласиз.

26 ФИДОЙИНГ
БЎЛГАЙМИЗ СЕНИ,
ЎЗБЕКISTON!

Хизматлар лицензияланган.

«Ўзбекистон темир йўллари»
акциядорлик жамияти тизимидаги

«ТОШКЕНТ ТЕМИР ЙЎЛ МАСОФАСИ»
жамоаси

Ватандошларимизни
Мустақиллик байрами
билан табриклайди!




Хизматлар лицензияланган.

InfinBANK

*Mustaqillik
bayrami bilan!*

«Invest Finance Bank»
jamoasi Sizni xalqimizning
eng ulug', eng aziz bayrami —
mustaqilligimizning
26 yilligi bilan
muborakbod etadi.

Vatanimiz ravnaqi va
xalqimiz farovonligi yo'lidagi
sharafli ishlaringizda ulkan
zafarlar tilaydi!

Хизматлар litsenziyalangan.

ЗАВОД «KRANTAS»

производит и реализует под заказ:



► Бензовозы — 4, 8, 10, 12, 16 м³.
► Водовозы — 4, 8, 12 м³.
► Вахтовые автобусы 4x4 — 22 мест, 6x6 — 26 мест.
► Комбинированные поливомоечные машины — 4, 8 м³.
► Кислотовозы — 6, 8, 10 м³.
► Автогудронаторы — 6, 8 м³.
► Полуприцепы: бензовоз, самосвальный, бортовой,
контейнеровоз.

ГАРАНТИЯ 1 ГОД

Адрес: Республика Узбекистан, г. Ташкент. Тел./факс: (+99871) 262-97-78,
(+99871) 262-23-61. Моб.: (+99890) 188-15-33, (+99890) 187-52-05.
E-mail: est2008@mail.ru Web-site: www.avtokran.uz, www.krantas.uz

Товары сертифицированы.